

Ils trais novs en il check

Fabia Caduff

Oz, 08:49

Sandra Locher Benguerel

Sche jau stuess dar in titel a Sandra Locher Benguerel, per ses emprim onn a Berna, lura fiss quai «la realisatura». Apaina ch'ella è entrada en Chasa federala ha ella dà gas. Ils dossiers ch'ella ha prendì enta maun, quels sa ella bunamain ordadora. E quella diligenza ha purtà a la magistra en curt temp respect a Berna. Saja quai da l'atgna fracziun da la Partida socialdemocratica, tar ils collegas dad autras partidas en il parlament u er en la cumissiun per scienza, educaziun e cultura, nua ch'ella è commembra.

Uschia ha ella tranter auter gia en l'emprim mez onn a Berna pudì persvader a la cumissiun d'ina moziun che ha pretais dapli daners per il rumantsch. Ord sia moziun hai uschia dà ina moziun da la cumissiun. Sandra Locher Benguerel ha entant mussà a Berna ch'ella cumbatta propi per ils temas che stattan a cor ad ella.

La dumonda vegn ad esser tar ella, sch'ella vegn da tegnair il tempo era per ils proxims trais onns. Dentant na datti per il mument nagins indizis, che quai na vegniss betg ad esser il cas.